

Tayer Digital: narrativa periodístiko ouditivo (radio i podcast)

Bo ta un periodista radial, bo ta traha na radio òf bo ta traha podcast pa radio i bo ta biba na un di e islanan karibense den Reino? Bo ke sigui desaroyá bo mes den bo fishi? E tayer digital di Jair Stein, un periodista radial i kreadó di podcast, ta algu pa bol

[formulario di contacto](#) (the form is available in English and Dutch)

Tin muchu mas aspekto pa tene kuenta kuné, ku kisas bo ta kere, ora bo ke traha un narrativa pa radio. Transmití bo historia i koutivá atenshon di un skuchadó solamente ku un tema interesante no ta suficiente. Un bon historia mester ta repartí den diferente esena, ku un grado di tenshon ku ta kuminsá, subi, baha i kaba den un sekuensia lógiko i atraktivo pa e skuchadó. Pero kon bo ta logra esei? Ki tipo di pregunta bo por puntra pa hende konta nan storia na un manera bibu i den un sekuensia lógiko? Kon bo ta krea 'cliffhanger' (momentunan inesperá di tenshon, ku ta pone e skuchadó reis for di su stul durante bo narrativa)? Kon bo por hasi uso efektivo di sonido i música? E tipo di preguntanan akí i muchu mas lo keda trata i ilustrá den e tayer ku ehèmpelnan al kaso. Ta importante ademá pa bo mantené bo na sierto reglanan básiko pa loke ta trata echonan real i verifikabilidad di bo produkto periodístiko. Eseinan tambe ta aspektonan ku lo bin dilanti den e tayer. En korto, un chèns ideal pa bo siña un kantidat amplio di abilidad pa ekstendé i maksimilisá kalidat di bo produktonan periodístiko ouditivo.

E tayer ta konsistí di dos enkuentro digital: riba djaweps 29 di yanüari i djaweps 12 di yanüari di 10 pa 12.30 Atlantic Standard Time (AST), ademá di un tarea intermedio.

KIKO Un tayer ku dos seshon digital di 2.5 ora den kua bo ta siña téknikanan di storytelling i abilidadnan pa entrevistá hende, loke bo por usa pa traha podcast periodístiko i inkluí den bo trahamentu di programa na radio.

Paga tinu: den e tayer ta presentá algun tep kon pa usa sonido i música, pero e tayer no ta dirigí riba aspektonan tékniko pa ku trahamentu di un produkto ouditivo.

KI DIA Djaweps 29 di yanüari i djaweps 12 di yanüari di 10 pa 12.30 Atlantic Standard Time (AST).

KU KEN Periodista radial i kreadó di podcast Jair Stein [inklú bio kòrtiku i potrèt di dje]

PA KEN E tayer ta habrí pa periodista ku ta biba i traha na un di e islanan karibense den Reino: Aruba, Kòrsou, Sint Maarten, Boneiru, Stasia òf Saba. Ta importante pa bo tin sikiera algun eksperiensia riba tereno di periodismo radial i konosementu di abilidadnan básiko pa monta un programa radial i ku bo ta disponé di (òf tin entrada na) facilidadnan pa hasi montahe di un programa radial.

E tayer ta interaktivo. Den e tayer lo bo tin ku ehekutá un tarea. Konta riba un kantidat di 4-6 ora adishonal den e dos simannan entre e dos fechanan di e tayer. Pa traha e tarea bo mester di un aparato pa graba: un telefòn tambe por ta un opshon.

IDIOMA E tayer ta na hulandes/ òf ingles, dependiente di e partisipantenan su preferensia. Paga tinu: algun fragmento di produktonan ouditivo ku lo keda tratá den e seshonnan ta na hulandes, ta importante porlotantu pa bo komprondé hulandes.

KANTIDAT DI PARTISIPANTE Maksimalmente 10.

E tayer ta grátis i ta parti di e selebrashon di 35 aña di eksistensia di [Fonds Bijzondere Journalistieke Projecten](#) (Fondo BJP). Bo por inskribí pa partisipá for di dia 8 di yanüari. Yena i manda nos e [formulario di kontakto akí](#). Den e formulario nos ta pidi bo pa indiká kiko ta bo eksperiensia i bo motivashon pa partisipá. E formulario ta optenibel na hulandes i ingles. Un komishon independiente ta selektá e kandidatonan ku lo partisipá. Pa mas tardá 22 di yanüari lo bo haña sa si bo a keda selektá.

Bo tin pregunta? Manda nos un mail na cariben@fondsbjp.nl